



Republika e Kosovës - Republic of Kosovo

Komuna – Municipality

Hani i Elezit



04/ /2023

5503

DREJTORIA PËR BUXHET DHE FINANCA

RAPORTI I PUNËS DHE AKTIVITETEVE PËR PERIUDHËN JANAR-QERSHOR 2023

Hani i Elezit, 2023

DREJTORIA PËR BUXHET DHE FINANCA

Drejtoria për Buxhet dhe Financa për periudhën janar-qershor 2023, funksionin e vet e ka ushtruar në bazë të kompetencave dhe përgjegjësiwe ligjore mbi qeverisjen e Komunave të Republikës së Kosovës, Statutin e komunës së Hanit të Elezit, Ligjin mbi menaxhimin e financave publike dhe përgjegjësitë, Ligjin mbi financat e pushtetit lokal, Ligjin mbi vetëqeverisjen lokale, Ligjin mbi tatimin në pronë e paluajtshme, Rregulloret dhe udhëzimet administrative nga Ministria e Financave, Punës dhe Transfereve (MFPT).

Drejtoria për Buxhet dhe Financa me qëllim të realizimit sa më efikas të të gjitha kompetencave dhe përgjegjësiwe, ka funksionuar kryesisht në tre (3) sektorë:

1. Sektori për buxhet dhe financa,
2. Sektori për të hyra dhe
3. Sektori i tatimit në pronë.

Drejtoria për Buxhet dhe Financa e menaxhuar nga drejtoresha e drejtorisë dhe me një staf prej (7) zyrtarëve, gjatë periudhës gjashtë mujore kishte një angazhim permanent, me një përkushtim të madh në drejtim të realizimit sa më të suksesshëm të të gjitha objektivave dhe detyrave të parashikuara në planin e punës së drejtorisë. Aktiviteti i drejtorisë ka qenë i përqëndruar në realizimin e buxhetit sipas dinamikës së planifikuar dhe menaxhimin sa më efikas të buxhetit.

Buxheti i komunës së Hanit të Elezit i ndarë sipas Ligjit me nr. 08/L-193 mbi ndarjet buxhetore të Republikës së Kosovës për vitin 2023 është në lartësi prej **3,349,715.00Euro**.

Ky buxhet është ndarë sipas kategorive ekonomike si në vijim:

- Paga dhe shtesa.....1,702,823.00 €,
- Mallra dhe shërbime.....465,000.00 €,
- Shpenzimet komunale96,500.00 €,
- Subvencione dhe transfere ...100,000.00 €,
- Shpenzime kapitale985,392.00 €,
- Totali i buxhetit.....3,349,715.00 €.

Punët dhe aktivitetet të cilat janë zhvilluar gjatë kësaj periudhe, mund t'i veçojmë këto:

SEKTORI PËR BUXHET DHE FINANCA

1. Përpilimi dhe përgatitja e rrjedhës së parasë së gatshme për të gjitha programet dhe nën-programet buxhetore, me zotimet dhe shpenzimet e parashikuara të mjeteve buxhetore sipas dinamikës së planifikuar për vitin 2023, nëpër të gjitha kategoritë ekonomike si: paga dhe mëditje, mallra dhe shërbime, shpenzime komunale, subvencione e transfere dhe investime kapitale,
2. Përgatitja e Pasqyrave Financiare për vitin 2022 dhe dorëzimi i tyre pranë Ministrisë së Financave,
3. Përgatitja e raportit final të konsoliduar dhe analitik i bilancit të gjendjes për vitin 2022 dhe publikimi i tij në ueb-faqen e Komunës,
4. Përgatitja e Raportit Financiar për periudhën janar-dhjetor 2022 dhe dorëzimi i të njejtit në Kuvend Komunal si informacion për rrjedhën e të hyrave dhe shpenzimeve gjatë vitit fiskal 2022,
5. Publikimi i Raportit Financiar janar-dhjetor 2022 në ueb faqen e Komunës në tri formate: word, excel dhe pdf,
6. Përgatitja dhe publikimi i raportit mujor të të hyrave dhe shpenzimeve të muajit dhjetor 2022 dhe publikimi i të njejtit në ueb faqe të Komunës,
7. Përgatitja e raporteve për barazim me Thesarin për vitin 2022, si dhe raportin për periudhën janar-qershor të shpenzimeve për vitin 2023.
8. Përgatitja e raporteve mujore të të hyrave dhe shpenzimeve dhe publikimi i të njejtave në ueb faqe të Komunës,
9. Deklarimi në Thesar të obligimeve të pa paguara dhe ato kontraktuale të muajit dhjetor 2022 si dhe të obligimeve mujore janar-qershor 2023,
10. Përgatitja e Raportit Financiar për periudhën janar-mars 2023 dhe dorëzimi i të njejtit në Kuvend Komunal si informacion për rrjedhën e të hyrave dhe shpenzimeve gjatë kësaj periudhe,
11. Publikimi i Raportit Financiar janar-mars 2023 në ueb faqen e Komunës në tri formate: word, excel dhe pdf,

12. Përgatitja e propozim vendimit për bartjen e bilanceve të pashpenzuara nga të hyrat vetanake të vitit 2022 në vitin 2023 në shumë prej **115,005.39 €**.
13. Përgatitja dhe hartimi i raportit tremujor për ekzekutimin e buxhetit për periudhat: janar - mars 2022.
14. Përgatitja e raporteve mujore janar-qershor të punëve dhe aktiviteteve të Drejtorisë,
15. Auditorët nga Zyra Kombëtare e Auditimit kanë bërë auditimin e Pasqyrave Vjetore Financiare të vitit 2022,
16. Është finalizuar raporti i ZKA për Pasqyrat Vjetore Financiare të vitit 2022 dhe përcjellja e të njejtit në Kuvend Komunal si informacion si dhe publikimi në web faqe të Komunës,
17. Hartimi i planit të veprimit të zbatimit të rekomandimeve të auditimit për Pasqyrat Vjetore Financiare të vitit 2022, përcjellja e të njejtit në Kuvend Komunal si informacion si dhe publikimi në web faqe të Komunës,
18. Planifikimi i projeksionit të të hyrave vetanake për periudhën 2024-2026 dhe përcjellja e tyre në Departamentin e Buxhetit – MFPT,
19. Përgatitja dhe alokimi i të hyrave për çdo muaj, në bazë të planifikimeve buxhetore për vitin 2023,
20. Përgatitja e raportit të monitorimit të projekteve kapitale sipas periudhave Q1 dhe përcjellja e të njejtit në Departamentin e Buxhetit – MFPT,
21. Llogaritja dhe realizimi i të gjitha pagesave të destinuar për pagesën e pagave dhe shtesave të Administratës Komunale, të këshilltarëve Komunal, komiteteve të ndryshme të Kuvendit, të Sektorit të Arsimit dhe Sektorit të Kujdesit Primar Shëndetësor,
22. Përgatitja dhe alokimi i të hyrave indirekte nga gjobat në trafik nga TM1 në projekte kapitale në vlerë prej 11,381 €.
23. Pranimi i Qarkores Buxhetore 2024/01 nga MFPT,
24. Hartimi i Kornizës Afatmesme Buxhetore 2024-2026 dhe dorëzimi i të njejtës në Kuvend Komunal për miratim,
25. Mbajtja e tri dëgjimeve buxhetore rreth Kornizës Afatmesme Buxhetore 2024-2026.
26. Publikimi i procesverbaleve të dëgjimeve buxhetore rreth Kornizës Afatmesme Buxhetore 2024-2026 në ueb faqe të Komunës.

Në këtë periudhë raportuese janar - qershor 2023, nga të gjitha programet dhe nën-programet buxhetore sipas kërkesave të parashtruara janë iniciuar procedurat duke u bërë zotimi i mjeteve në 802 urdhër zotimi për pagesa (UZP), pastaj është vazhduar me procedimin e tyre në formë të shpenzimeve dhe aprovimi i të gjitha shpenzimeve për të gjitha kërkesat e parashtruara dhe vendimet e marra për shpenzime, prej të cilave përfundimisht me gjendjen e datës 29.06.2023, janë ekzekutuar në total pagesa në vlerë prej 298,324.31 € ku përfshihen kategoritë ekonomike mallra dhe shërbime, shpenzime komunale, subvencione dhe transfere, ndërsa shpenzimet për kategorinë ekonomike paga dhe shtesa të cilat menaxhohen dhe mbikëqyren nga MFPT-ja janë në shumë prej 798,609.53€.

Buxheti i komunës së Hanit të Elezit i ndarë sipas Ligjit me nr. 08/L-193 mbi ndarjet buxhetore të Republikës së Kosovës për vitin 2023 është në lartësi prej 3,349,715.00Euro.

RAPORTI I EKZEKUTIMIT TË BUXHETIT PËR PERIUDHËN JANAR-QERSHOR 2023

Kategoritë Buxhetore	Buxheti sipas Ligjit nr. 08/L-193	Realizimi Janar-Qershor 2023	%
Paga dhe Shtesa	1,702,823.00	960,996.95	56.43 %
Mallra dhe Shërbime	465,000.00	177,869.89	38.25 %
Shpenzime Komunale	96,500.00	35,558.54	36.84 %
Subvencione dhe Transfere	100,000.00	57,258.08	57.25 %
Shpenzime Kapitale	985,392.00	29,439.15	2.98 %
Totali	3,349,715.00	1,261,122.61	37.64 %

SEKTORI PËR TË HYRAT

Planifikimi i të hyrave vetanake për vitin 2023 është në shumë prej 560,121.00 €.

Komuna e Hanit të Elezit ka arritur të arkëtoj gjithsej për periudhën janar-qershor 2023 nga të hyrat direkte 165,032.38 € dhe paraqesin 29.4 % € e planit të të hyrave vetanake. Në bazë të drejtorive për periudhën janar-qershor 2023 kemi inkasuar këto të hyra:

- Drejtoria e Administratës së Përgjithshme ka inkasuar të hyra në shumë prej 3,337.00 €
- Drejtoria për Buxhet dhe Financa ka inkasuar të hyra në shumë prej 109,260.52 €;
- Drejtoria e Shërbimeve Publike ka inkasuar të hyra në shumë prej 6,332.20 €,
- Drejtoria e Bujqësisë, Pylltarisë dhe Zhvillimit Rural ka inkasuar të hyra në shumë prej 775.00 €,
- Drejtoria e Zhvillimit Ekonomik ka inkasuar të hyra në shumë prej 13,624.44 €;
- Drejtoria e Urbanizmit ka inkasuar të hyra në shumë prej 22,299.12 €;
- Drejtoria e Shëndetësisë dhe Mirëqenies Sociale në shumë prej 2,016.10 €
- Sektori i Shërbimeve Sociale në shumë prej 108.00 €,
- Drejtoria e Arsimit, Kulturë, Rini dhe Sport ka inkasuar të hyra në shumë prej 7,280.00 €;

Në kuadër të këtij sektori janë kryer këto aktivitete:

- Përpunimi, harmonizimi dhe barazimi i evidencave të detajizuara të të gjitha llojet e të hyrave sipas programeve buxhetore, fondeve dhe kodeve ekonomike në Sistemin Informativ të Menaxhimit Financiar të Kosovës (SIMFK),
- Përgatitja e propozim vendimit për bartjen e bilanceve të pashpenzuara nga të hyrat vetanake të vitit 2022 në vitin 2023 në shumë prej 115,005.39 €.
- Alokimi i të hyrave të inkasuara për çdo muaj, duke u bazuar në planifikimet buxhetore.

SEKTORI I TATIMIT NË PRONË

Gjatë periudhës janar-qershor 2023 ky sektor ka pasur këto aktivitete:

- Gjatë muajit shkurt kemi pranuar faturat e tatimit në pronë dhe tokë, ndërsa shpërndarja e tyre është bërë gjatë muajve mars-prill 2023. Numri i faturave ka qenë 1730,
- Sipas dispozitave ligjore, pas pranimit të faturave të tatimit në pronë dhe në tokë, qytetarët kanë parashtruar 47 kërkesa për korrigjim ndaj çertifikatës së pronës dhe 6 ankesa ndaj faturës së tatimit në pronë,
- Gjatë periudhës janar-qershor 2023 kemi arritur të lidhim marrëveshje për pagesën me këste të tatimit në pronë,
- Faturimi i tatimit në pronë dhe në tokë për vitin 2023 në komunën e Hanit të Elezit është 222,737.00 €, ndërsa totali inkasuar i tatimit në pronë dhe tokë për periudhën janar-qershor 2023 është 99,409.52 € apo 44.6% nga planifikimi duke përfshirë borxhet, kamatën dhe ndëshkimet nga vitet e kaluara.

Drejtores e Drejtorisë për Buxhet dhe Financa

Lindita Ballazhi

L. Ballazhi



